

**PERSVERKLARING  
VIR ONMIDDELLIKE VRYSTELLING  
UITGEREIK DEUR: Gerhard van Huyssteen**

---

***Beter Afrikaans nou nog beter.***

Pretoria. Die alombekende gratis webdiens, *Beter Afrikaans*, is onlangs aansienlik uitgebrei en verbeter. Nie net spog dié diens nou met splinternuwe mobiele toepassings vir Android en iOS nie, maar ook met meer as 2 000 nuwe vrae in die vraagbank en 'n groep funksie wat handig vir onderwysers en dosente te pas sal kom.

*Beter Afrikaans* is 'n gratis webdiens waar Afrikaanssprekendes, en selfs aanleeders van Afrikaans, meer kan leer oor die spel- en skryfreëls van Afrikaans. Meer as 9 000 gebruikers maak al van *Beter Afrikaans* gebruik.

Die webdiens werk op 'n eenvoudige, doeltreffende manier. As 'n persoon geregistreer het op die webwerf, kan die persoon elke weeksdag 'n speltoets in minder as twee minute voltooi - hetsy op 'n rekenaar, tablet of selfoon. Die speltoets bestaan uit vier veelkeusevrae; sodra die vrae beantwoord is, ontvang die gebruiker onmiddellik 'n kort bespreking oor die korrekte antwoorde.

Indien die gebruiker meer wil leer, is daar meer omvattende dog eenvoudige verduidelikings op die webwerf beskikbaar. Onderwerpe soos los of vas skryf, hoofletters, homonieme, idiome, intensiewe vorme, en nog baie meer word gedek.

“Met die finansiële ondersteuning van die Dagbreek Trust is *Beter Afrikaans* onlangs aansienlik uitgebrei om dit nog meer aantreklik vir veral jong gebruikers te maak,” sê Gerhard van Huyssteen, ontwikkelaar van *Beter Afrikaans*.

“Ons het geluister na die versoeke van ons gebruikers toe ons die nuwe weergawe van die mobiele toepassing ontwerp het. Gebruikers hoef nou nie meer 'n daaglikse e-pos te ontvang nie, maar kry 'n direkte kennisgewing (“push notification”) op hulle slimfone of tablette. Jy kan ook nou maklik binne-in die toepassing jou vlak van deelname (maklik, gemiddeld, moeilik) verander,” vertel Van Huyssteen.

In samewerking met die *HAT Afrikaanse Skoolwoordeboek* (Pearson) word die vraagbank van *Beter Afrikaans* nou op 'n gereelde grondslag uitgebrei. Jana Luther, hoofredakteur van die bekende HAT sê: “Deur *Beter Afrikaans* saam met die *HAT Afrikaanse Skoolwoordeboek* te gebruik, kan onderwysers nuwe wêreld vir leerders oopmaak. Op 'n speelse, interaktiewe wyse kan leerders nuwe woorde leer, asook meer te wete kom oor betekenis en spesifieke spelreëls.”

'n Ander, nuwe funksie wat in taalonderrig situasies gebruik kan word, is die groep funksie. “Dosente of onderwysers kan 'n groep stig vir elke klasgroep. Leerders kompeteer dan met mekaar om te sien wie die topspeler in die klas is. Aan die einde van die kwartaal of semester kan die punte dan afgelaai word om maklik oorgedra te word op die skool se puntstelsel,” verduidelik Milton Webber,

een van die vraagopstellers van Beter Afrikaans. “Boonop kan gebruikers hulle uitslae op Twitter met ander gebruikers deel. Dit dien ook sommer as lekker aanknopingspunt vir klasbesprekings.”

Die ontwikkeling van ’n soortgelyke diens vir wiskunde (*Beter Wiskunde* en *Better Maths*) het ook reeds ’n aanvang geneem.

*Beter Afrikaans* is ontwikkel in samewerking met ’n soortgelyke webdiens vir Nederlands, *Beter Spellen* ([www.beterspellen.nl](http://www.beterspellen.nl)). Ander tale in die *Beter X*-suite sluit in Duits, Frans en Engels (met Nederlands as onderrigtaal).

Besoek gerus *Beter Afrikaans* se webwerf [www.beterafrikaans.co.za](http://www.beterafrikaans.co.za), Facebookblad by [www.facebook.com/beterafrikaans](http://www.facebook.com/beterafrikaans), of op Twitter [@beterafrikaans](https://twitter.com/beterafrikaans).

---

#### KONTAKBESONDERHEDE VIR MEER INLIGTING:

##### **Gerhard van Huyssteen**

Eienaar: Trifonius ([www.trifonius.co.za](http://www.trifonius.co.za))

Tel: 082 562 4814

E-pos: [gerhard@trifonius.co.za](mailto:gerhard@trifonius.co.za)

Webwerf: [www.beterafrikaans.co.za](http://www.beterafrikaans.co.za)

Facebook: [www.facebook.com/beterafrikaans](http://www.facebook.com/beterafrikaans)

Twitter: [@beterafrikaans](https://twitter.com/beterafrikaans)


Android-toepassing: <https://play.google.com/store/apps/details?id=com.orangeears.beterafrikaans>

iOS-toepassing: <https://itunes.apple.com/app/beter-afrikaans/id991288899>



## GRAFIKA

### Toets van die dag: Selfoon




#### Vraag 3

Die Maleierkoor het almal tot trane .....

- gehad
- verlei
- geroer
- verbiggel

### Uitslag van toets: Selfoon




#### Vraag 3

Die Maleierkoor het almal tot trane .....

- gehad
- verlei
- geroer
- verbiggel

#### Verduideliking

Ons sê in Afrikaans jy "beweeg" of "roer" iemand tot trane wanneer jy iets doen om die persoon te laat huil.

 Sien ook die bladsy 'Kollokasies'.

## Doen ou toetse: Selfoon

☰ Beter Afrikaans

Hallo Gerhard

Jy speel tans op moeilikheidsvlak 3.

Doen die nuwe toets

Of kies die datum van die toets wat jy wil doen.

Februarie

				Ma 22
Vr 19	Do 18	Wo 17	Di 16	Ma 15
Vr 12	Do 11	Wo 10	Di 9	Ma 8
Vr 5	Do 4	Wo 3	Di 2	Ma 1

CloudVault  
BETROUBARE WOLKRUGSTEUN

www.cloudvaultsa.co.za  
In Veilige hawe vir jou data


## Kry direk toegang tot verskillende funksionaliteite: Selfoon

← Beter Afrikaans

Menu

- Puntestand
- Groepe
- Instellings
- Teken af
- Meer oor hierdie app
- Kontak

## Kies hoe jy herinner wil word aan toetse: Selfoon



## HAT Afrikaanse Skoolwoordeboek

